



## PRESS RELEASE

### ইউএসএআইডি সহকারী প্রশাসক আগামীকাল ঢাকায় আসছেন

ঢাকা, ডিসেম্বর ৬ -- আগামীকাল শুক্রবার ৭ই ডিসেম্বর যুক্তরাষ্ট্র আন্তর্জাতিক উন্নয়ন সংস্থা (ইউএসএআইডি)-এর সহকারী প্রশাসক ড. কেন্ট হিল তিনি দিনের এক সফরে বাংলাদেশে আসছেন। ড. হিল ইউএসএআইডি-এর বিশ্ব স্বাস্থ্য (গ্লোবাল হেলথ) ব্যূরোর প্রধান। এর কর্মসূচিগুলো উন্নয়নশীল বিশ্বে পরিবারসমূহের দুর্ভোগ লাঘব, জীবন রক্ষা এবং উজ্জ্বল ভবিষ্যৎ সৃষ্টি করতে যুক্তরাষ্ট্র সরকারের অঙ্গীকার ও দৃঢ়প্রত্যয় ব্যক্ত করে। ইউএসএআইডি-এর স্বাস্থ্য কর্মসূচির জন্য বার্ষিক বাজেট রয়েছে ১৬০ কোটি ডলারেরও বেশি। এর আওতায় অত্যাশ্যকীয় স্বাস্থ্য সেবার গুণগতমান, প্রাপ্যতা ও ব্যবহার উন্নত করার মাধ্যমে এসব কর্মসূচি বিশ্ব স্বাস্থ্যের নানা চ্যালেঞ্জ মোকাবেলা করছে। ড. হিল টঙ্গী এবং ভালুকায় ইউএসএআইডি-এর কিছু উল্লেখযোগ্য স্বাস্থ্য প্রকল্প পরিদর্শন করবেন। এর মধ্যে আছে একটি সূর্যের হাসি স্বাস্থ্য ফ্লিনিক, সোশ্যাল মার্কেটিং কোম্পানির (এসএমসি) খাবার স্যালাইন কারখানা এবং এসএমসি ব্লু স্টার ফার্মেসি। এছাড়া তিনি ঢাকায় বাংলাদেশ এইচআইভি/এইডস কর্মসূচি পরিদর্শন করবেন।

স্বাধীনতার পর থেকে বাংলাদেশের স্বাস্থ্য খাতে ইউএসএআইডি উল্লেখযোগ্য অংশীদার হিসেবে কাজ করে যাচ্ছে। বাংলাদেশি জনগণের সার্বিক স্বাস্থ্য অবস্থার উন্নয়নের অংশ হিসেবে বাংলাদেশ সরকারের সাথে স্বাস্থ্য ও জনসংখ্যা সম্বোতা চুক্তির অধীনে মাত্র ও শিশু স্বাস্থ্য, পরিবার পরিকল্পনা, রক্ষা নির্মূল এবং এইচআইভি/এইডস প্রশমন খাতে সহায়তার জন্য বিভিন্ন কর্মসূচিতে অর্থায়ন করতে ইউএসএআইডি আগামী পাঁচ বছরে ১৭ কোটি ৩০ লাখ ডলার প্রদান করবে।

ইউএসএআইডি যুক্তরাষ্ট্র সরকারের প্রধান সংস্থা, যেটি সারা বিশ্বে ১০০টিরও বেশি দেশে উন্নয়ন সহায়তা প্রদান করে যাচ্ছে। ১৯৭১ থেকে ২০০৬ সাল পর্যন্ত ইউএসএআইডি বাংলাদেশকে পাঁচ শ' কোটি ডলারের বেশি উন্নয়ন সহায়তা প্রদান করেছে, যার অর্ধেকের বেশি খাদ্য সহায়তা হিসেবে। ২০০৭ সালে ইউএসএআইডি বাংলাদেশকে সাত কোটি ৮০ লাখ ডলার উন্নয়ন সহায়তা ও খাদ্য সাহায্য প্রদান করেছে।

-----

জিআর/ ২০০৭

**দ্রষ্টব্য:** এই নিবন্ধের ইংরেজি ভাষ্য 'আমেরিকান সেন্টার'-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে 'আমেরিকান সেন্টার'-এর প্রেস সেকশনে (টেলিফোন: ৮৮০৭১৫০-৮, ফ্যাক্স: ৯৮৮৫৬৮৮; ই-মেইল: [DhakaPA@state.gov](mailto:DhakaPA@state.gov) এবং ওয়েবসাইট: [dhaka.usembassy.gov](http://dhaka.usembassy.gov)) যোগাযোগ করুন।